

〔類聚國史帝王三十二〕大同三年十月乙卯、遊獵北野、布勢內親王奉獻、飲宴極日、有司奏樂、賜五位已上衣被。

〔日本後紀二十一〕弘仁二年十二月丁丑、遊獵于大原野、右大臣藤原朝臣內麻呂、并山城國奉獻雅樂、寮奏樂、賜五位已上衣被。

〔類聚國史帝王三十二〕弘仁二年閏十二月甲辰、遊獵于水生野、御於山崎驛、山城攝津二國奉獻、賜五位已上衣被。

〔類聚國史帝王三十二〕弘仁四年二月己亥、遊獵於交野、以山崎驛爲行宮、是日津頭失火、延燒二十一家、給米綿有差、又駕輿丁、並左右衛士等、賜綿有差。

〔類聚國史帝王三十二〕弘仁五年二月乙未、遊獵于交野、日暮御山崎離宮、河內國及掌侍從五位下安都宿禰吉子奉獻、賜四位已上衣、五位并百濟王等衣、己亥、山城守從四位下藤原朝臣繼彥、授從四位上、

介外從五位下高丘宿禰弟越外從五位上、攝津守從四位下小野朝臣野主從四位上、介從五位下廣根朝臣諸勝從五位上、河內守從五位上紀朝臣南麻呂正五位下、介從五位下大伴宿禰雄堅魚從五位上、賜四位已上衣、目已下及郡司綿各有差、佐爲及百濟寺施綿各一百屯、是日車駕至自交野。

〔日本後紀二十四〕弘仁五年九月庚子、遊獵栗前野、日暮御彈正尹明日香親王宇治別業、親王奉獻、賜侍臣衣被。

〔類聚國史帝王三十二〕弘仁十年二月己巳、遊獵水生野、日暮御河陽宮、水生村窮乏者、賜米有差、庚午、五位已上賜衣被、口口車駕還宮。

〔類聚國史帝王三十二〕天長六年十月丙辰、幸泥濘池、羅獵水鳥、御紫野院、山城國獻物、日暮雅樂寮奏音聲、侍從并狩長五位、及院預山城國椽已上、賜祿有差。

〔類聚國史帝王三十二〕天長六年十月丙辰、幸泥濘池、羅獵水鳥、御紫野院、山城國獻物、日暮雅樂寮奏音聲、侍從并狩長五位、及院預山城國椽已上、賜祿有差。